

N i k o l a u s    F e y  
zum 75.Geburtstag 1956

War kennt 'n Wiesthäder Nikolaus nit?  
Ar it mei rachte Fräd.  
Seit i na kenn auf Schriet und Tritt,  
sou wie ar redt und gäht:  
mei Frankeharz it aufgewacht  
wia Veicheli in dr Frühjahrsnacht.

War malt die Wengert, Tal und Barch  
wia ar sou schöa, sou licht?  
Bin i aa en Tog üwerzwarch,  
ar lacht mr frisch nei's G'sicht:  
Grood wia die Sunna goldi warm  
nimmt mi sei Lied nei'n Arm.

Und doppelt garn ho i mei Land  
mit Mee und Barch und Leut;  
drüm zun Gaburtstog har die Hand -  
i drück' sie 'n, bis er schreit.  
Ganz Franke, Vöicheli und Wei,  
sie juchze: U n n e r    F e y !

---

